

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-267-4/25**
Datum: **27.10.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „C.I.B.O.S.“ d.o.o. Sarajevo-PJ Tuzla, za donošenje rješenja o vodnoj dozvoli za ispuštanje otpadnih voda sa lokacije poslovnog kompleksa za skladištenje i primarnu preradu sekundarnih sirovina, izgrađenog na lokalitetu HAK-a u naselju Bukinje, Tuzla, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „C.I.B.O.S.“ d.o.o. Sarajevo-PJ Tuzla daje se vodna dozvola za ispuštanje otpadnih voda sa lokacije poslovnog kompleksa za skladištenje i primarnu preradu sekundarnih sirovina, izgrađenog u naselju Bukinje, Tuzla, na zemljištu označenom kao k.č. broj: 1/3 K.O. Husino, općina Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „C.I.B.O.S.“ d.o.o. Sarajevo-PJ Tuzla obezbijedi da se sistem za prikupljanje, prečišćavanje i ispuštanje otpadnih voda sa lokacije poslovnog objekta za prijem i privremeno skladištenje sekundarnih sirovina, sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 21. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.3. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring, a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Rezultate analiza dostaviti ovoj Agenciji.
 - 3.4. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije „C.I.B.O.S.“ d.o.o. Sarajevo-PJ Tuzla može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne (strožije) uvjete, od uvjeta definisanih u Uredbi o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.

- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „C.I.B.O.S.“ d.o.o. Sarajevo-PJ Tuzla, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „C.I.B.O.S.“ d.o.o. Sarajevo-PJ Tuzla obratilo se ovoj Agenciji sa zahtjevom bez broja od 10.06.2025 godine, za donošenje rješenja o vodnoj dozvoli za ispuštanje otpadnih voda sa lokacije poslovnog kompleksa za skladištenje i primarnu preradu sekundarnih sirovina, izgrađenog u naselju Bukinje, Tuzla, na zemljištu označenom kao k.č. broj: 1/3 K.O. Husino, općina Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Aktuelni izvod iz sudskog registra, matični broj subjekta upisa: 65-01-0281-09 (stari broj 1-21179) od 21-03.2025. godine izdat od strane Općinskog suda u Sarajevu - ovjerena kopija,
- Ovjerena kopija Uvjerenja o poreskoj registraciji od 28.12.2023. godine, izdatog od strane Porezna uprava-Kantonalni ured Sarajevo,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-255-2/24 od 12.01.2024. godine izdatog od strane Uprave za indirektno-neizravno oporezivanje Banja Luka,
- Rješenje o vodnoj saglasnosti broj: UP-1/21-2-40-348-4/20 od 21.09.2020 godine izdato od strane «Agencije za vodno područje rijeke Save» Sarajevo,
- Dokaz o uplaćenju upravnoj pristojbi 70 KM,

- Kopija Rješenja o odobrenju za građenje broj: 04/3-19-3060/2024 od 14.06.2024 godine izdatog od strane Službe za urbanističko planiranje, komunalne, geodetske i imovinsko-pravne poslove, Grad Živinice -kopija,
- Kopija Rješenja o okolinskoj dozvoli, broj: 12/1-19-001254/23 od 25.04.2023. godine, izdatog od strane Ministarstva prostornog uređenja i zaštite okolice,
- Kopija Rješenja o odobrenju za građenje, broj: 06/13-23-11897-2019-AF od 08.05.2020. godine, izdatog od strane Službe za prostorno uređenje i zaštitu okoline, Grad Tuzla,
- Kopija Rješenja o odobrenju za građenje, broj: 06/13-23-0074497-2010-MA od 17.01.2011. godine, izdatog od strane Službe za prostorno uređenje i zaštitu okoline, Grad Tuzla,
- Ugovor o pružanju usluga zaključen sa ovlaštenom firmom „AIDA-COMMERCE“ d.o.o. Sarajevo dana 05.10.2021 godine,
- Transportni list o preuzimanju otpada od strane „AIDA-COMMERCE“ d.o.o. Sarajevo, dana 14.03.2025 godine,
- Izvještaj o monitoringu kvaliteta i kvantiteta otpadnih voda broj: 7-735-7372/24 oktobar 2024 godine, urađen od strane „TQM“ d.o.o. Lukavac.

B. Tehnička dokumentacija

- Glavni projekat snabdijevanja vodom i dispozicija otpadnih voda za skladište sekundarnih sirovina u Tuzli pravnog lica „C.I.B.O.S. d.o.o. Sarajevo, urađen od strane „ATRIUS Projekt“ d.o.o. Živinice, juli 2016 godine (uvid prilikom uviđaja).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-267-2/25 od 10.10.2025. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Kompleks za skladištenje, obradu i promet sekundarnih sirovina smješten je na lokalitetu industrijske zone HAK-a u ulici Miloša Popovića bb, općina Tuzla. Aktivnost se obavlja na površini cca 17000 m².

Osnovna djelatnost kompanije je reciklaža metalnog otpada a sastoji se od: dopreme i prihvata sekundarnih sirovina, razdvajanje, tretman, privremeno uskladištenje i transport do krajnjeg kupca. Kapacitet proizvodnje je oko 20.000 tona/god.

Kompleks se sastoji od sljedećih objekata: upravna zgrada, otvoreni skladišni prostor, natkriveni skladišni prostor, vage, parkinga, te radnih i saobraćajnih površina. Za potrebe tehnološkog procesa instalirana je potrebna oprema (mašine sa grajferom i magnetom, prese za baliranje i druga prateća oprema).

Na predmetnoj lokaciji se vrši otkup sljedećih sirovina: stari i novi čelični otpad, koji se prije svega sastoji od betonskog željeza i lakog čelika, stari i novi dijelovi mašina i komponente koji se ne prihvataju u ostalim vrstama, težak stari čelični otpad, obojene metale (aluminij, bakar i legiran metalni otpad i ostalo).

Za potrebe skladištenja opasnog otpada koriste se plastične posude zatvorenog tipa, metalne posude za masti i zauljeni otpad, specijalni nepropusni kontejneri sa ventilacijom za odlaganje akumulatora te specijalni kontejneri za rasuti otpad.

Sve radne, manipulativne i saobraćajne površine su uređene i asfaltirane sa riješenim sistemom odvodnje otpadnih voda.

Oborinske vode sa radnih i manipulativnih površina, a koje mogu biti onečišćene suspendovanim materijama te naftom i naftnim derivatima, sakupljaju se posebnim sistemom kanalizacije i odvede do tipskog separatora ulja i masti. Prečišćena voda se upaja u kanalizaciju "HAK-a" i „DITE“, koja prolazi kroz predmetnu lokaciju a potom ispušta u rijeku Jalu.

U zatvorenom prostoru se skladišti nafta u cisternama namijenjenim za skladištenje nafte, a koristi se za vlastite potrebe.

Otpad koji se tretira na predmetnoj lokaciji se u skladu sa posebnim ugovorima ustupa na daljne korištenje trećim licima.

Prilikom uviđaja utvrđeno je da podnosilac zahtjeva održava objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) te ispunjava i druge uslove date vodnom dozvolom.

Zbrinjavanje opsnog otpada se vrši od strane ovlaštene firme.

Čišćenje separatora se vrši od strane ovlaštene firme „AIDA COMMERCE“ d.o.o. Sarajevo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 19., 20. i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „C.I.B.O.S. d.o.o. Sarajevo ispunio minimum uslova za izdavanje vodne dozvole za ispuštanje otpadnih voda iz poslovnog objekta za prijem i privremeno skladištenje sekundarnih sirovina sa pratećim sadržajima, izgrađenih u mjestu Maline, Grad Živinice, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata
Nihad Špezo, dipl.inž.građ.



Dostaviti:

- „C.I.B.O.S. d.o.o. Sarajevo, Industrijska zona Željezara br. 5, Ilijaš
- Ⓞ „AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava